

Samningur

mennta- og menningarmálaráðuneytis

við Bandalag íslenskra skáta

um rekstrarframlag

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Bandalag íslenskra skáta kt. 440169-2879 í samningi þessum nefnt Skátar, gera með sér svofelldan samning.

1. Markmið, verkefni og starfsemi

1.1. Meginmarkmið með samningi þessum er að:

- Rækta skyldur ríkisins á sviði æskulýðsmála sbr. 3. gr. æskulýðslaga nr. 70/2007.
- Tryggja framgang stefnu málefna sviðs 18 í málaflokki 18.4, sbr. fjármálaáætlun 2018-2022.

1.2. Verkefni

Skátar skuldbinda sig:

- Í samstarfi við aðildarfélag sín að gefa sem flestum kost á að taka þátt í skátastarfi.
- Standa fyrir faglegu og uppbyggilegu starfi með börnum og ungmennum með skátagildi og forvarnir að leiðarljósi.

1.3. Starfsemi

- Í samræmi við árlega starfsáætlun, sbr. gr. 5.2. skal starfsemi Skáta miðast að því að samræma starf aðildarfélaganna og auka samstarf þeirra á milli. Skátar veita aðildarfélagum sínum aðstoð, standa fyrir fræðslu til iðkenda og leiðtoga í starfi félaganna.

1.4. Áherslur

Skátar og aðildarfélag þess:

- Taki mið af framkvæmdaáætlun Æskulýðsráðs í æskulýðsmálum.
- Vinni gegn hatursorðræðu á netmiðlum og í starfinu.
- Hafi aðgerðaráætlun ef upp koma mál er tengjast kynferðislegri áreitni, ofbeldi, einelti og annarri ógnandi óæskilegri hegðun.

2. Forsendur samnings, lagaheimildir og lagaskyldur

- 2.1. Ráðuneytið gerir samning þennan á grundvelli heimildar í 42. gr. laga um opinber fjármál nr. 123/2015 og reglugerðar nr. 642/2018.
- 2.2. Ráðuneytið annast samskipti aðila vegna samningsins við fjármála- og efnahagsráðuneyti, sbr. 1. mgr. 21. gr. laga nr. 123/2015 um opinber fjármál, og við Alþingi.
- 2.3. Framlag í samningi þessum fellur undir stefnu ráðherra á málefna sviði 18 menning, listir og íþróttir og æskulýðsmál, málaflokki 18.4, íþróttir- og æskulýðsmál sbr. 20. gr. laga um opinber fjármál nr. 123/2015.
- 2.4. Skátar skulu hafa kynnt sér lög og reglugerðir sem gilda um verkefnið og skuldbindur sig til að starfa samkvæmt þeim. Vakin er sérstök athygli samningshafa á eftirfarandi lagaákvæðum: æskulýðslög nr. 70/2007, lög um samning Sameinuðu þjóðanna um réttindi barnsins nr. 19/2013, lög um ríkisendurskoðanda og endurskoðun ríkisreikninga, nr. 46/2016 og lög um opinber fjármál nr. 123/2015.

Lof
-
Kó

3. Fjárhagsleg skuldbinding ráðuneytisins

- 3.1. Heildarskuldbinding samningsins er 115,8 m.kr. á samningstímanum.
- 3.2. Framlag ráðuneytisins er 38,1 m.kr. árið 2018. Framlagið hækkar árið 2019 og verður 38,6 m.kr. og árið 2020 verður framlagið 39,1 m.kr.
- 3.3. Verði gerð breyting á fjárheimildum til málaflokks 18.4 íþróttir og æskulýðsmál í fjárlögum geta aðilar tekið upp viðræður um aðlögun rekstrarins að breyttri fjárveitingu.
- 3.4. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og eiga Skátar ekki kröfu á ríkissjóð eða rétt á bótum þótt framlag til samningsins verði lækkað eða fellt niður. Séu gerðar almennar aðhaldskröfur af hálfu ríkisins til málaflokks 18.4 er heimilt að gera sömu kröfur til aðhalds í rekstri verkefna sem falla undir málaflokk 18.4 hjá Skátum.
- 3.5. Fjárhagsleg ábyrgð ríkisins vegna reksturs verkefnisins takmarkast við þær fjárhæðir sem eru í samningnum.
- 3.6. Árlegt framlag verður greitt í tólf jöfnum hlutum fyrsta dag hvers mánaðar. Greitt verður inn á bankareikning viðskiptabanka Skáta enda uppfyllir samningshafi öll skilyrði og kröfur sem samningur þessi kveður á um.

4. Ábyrgð

- 4.1. Skátar bera ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Skátar skulu geta lagt fram gögn og skýrslur þessu til staðfestingar, sé eftir því leitað.
- 4.2. Skátar bera ábyrgð á skuldbindingum sem það eða aðilar á þess vegum stofna til í tengslum við samning þennan.
- 4.3. Skátum er óheimilt að:
 - afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

5. Upplýsingar, samskipti og eftirlit vegna fjármála og verkefna

- 5.1. Ráðuneytið hefur eftirlit með framkvæmd samningsins.
- 5.2. Skátar skulu skila ráðuneytinu árlega stefnuskjali til þriggja ára sbr. 31. gr. í lögum nr. 123/2015 um opinber fjármál. Í stefnuskjalinu skal koma fram helstu markmið og aðgerðir Skáta. Stefnuskjalið skal taka mið af stefnu ráðherra fyrir málaflokk 18.4 sem birtist í fjármálaáætlun til næstu fimm ára og greinargerð málefna sviðs 18 sem birtist í fjárlagafrumvarpi hvers árs. Stefnuskjalið er viðhengi við samning þennan.
- 5.3. Skátar skulu skila ráðuneytinu ársáætlun um rekstur og starfsáætlun yfirstandandi árs, sbr. gr. 1.3. þar sem fram komi m.a. áætlun um ráðstöfun framlagsins og helstu markmið sem unnið verður að fyrir lok mars ár hvert. Einnig skila Skátar upplýsingum um ný verkefni eða breytingar sem kunna að verða á rekstri Skáta.
- 5.4. Skátar skulu skila ráðuneytinu endurskoðuðum ársreikningi ársins á undan með skýringum fyrir lok júní ár hvert og skal afrit jafnframt sent Ríkisendurskoðun.
- 5.5. Fulltrúar ráðuneytisins og Skáta funda að lágmarki árlega um samninginn og framkvæmd hans. Fyrir lok nóvember skila Skátar ráðuneytinu greinargerð um framkvæmd samningsins þar sem fram komi m.a. staða verkefna og hvernig framlagi var ráðstafað miðað við áætlun. Einnig skal gera grein fyrir mælikvörðum og viðmiðum sem lögð eru til grundvallar árangri á verkefninu sbr. stefnuskjali.
- 5.6. Skátar skila ráðuneytinu öllum þeim upplýsingum sem ráðuneyti kallar eftir í tengslum við samning þennan, m.a. um rekstur Skáta. Ráðuneytinu er heimilt að birta þær upplýsingar opinberlega.
- 5.7. Skátar veita ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Við eftirlit hefur ráðuneytið óheftan aðgang að öllum gögnum sem máli skipta.

LOA /
10

5.8. Samning þennan, ársreikning Skáta, sbr. grein 5.4., og greinargerð um framkvæmd samnings, sbr. grein 5.5., skal birta á vef Skáta jafnóðum og gögn liggja fyrir. Ráðuneytinu er heimilt að birta gögnin á vef sínum.

6. Vanefndir og meðferð ágreinings

- 6.1. Skátar tilkynna ráðuneytinu tafarlaust ef það telur vafa leika á að það geti uppfyllt skyldur samkvæmt samningnum og greinir jafnframt frá úrræðum sem það hyggst grípa til.
- 6.2. Ráðuneytinu er heimilt að fresta, draga úr eða stöðva og endurkrefja greiðslur uppfylli Skátar ekki skyldur sínar samkvæmt samningi þessum.
- 6.3. Samningsaðilar skulu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


7. Gildistími og lok samnings

- 7.1. Samningurinn gildir frá 1. janúar 2018 til 31. desember 2020.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor samningsaðili eintaki.

Reykjavík, 24. apríl 2019



Lilja Alfreðsdóttir
mennta- og menningarmálaráðherra



Kristinn Ólafsson, framkvæmdastjóri
Bandalags íslenskra skáta